

AKASHVANI AIZAWL
REGIONAL NEWS BULLETIN

HEADLINES (EVENING)

- 1. Chief Minister Pu Lalduhoman NABARD RIDF sum senga din tur Artui tharchhuahna hmunpui lungphum vawiin khan Thenzawl AH & Vety Farm ah a phum a, Dilpuia Bailey Bridge dawh tur lung phumin Mizo Sial vulh punna hmun a hawng bawk.
- 2. Chief Secretary Pu Khilli Ram Meena-an indona lo thleng thulha chhiatna nasa tak thleng thei laka inven dan tur inpuahchah that a ngai a ti.
- 3. Vawiin khan Operation Sindoor neih zawh tak chungchangah Political Party tin aiawh inhmukkhawm neih a ni.
- 4. Prime Minister Narendra Modia kaihhruaiin vawiin Ministry leh Department tina Secretary ten high-level meeting an nei.

<><><>

CM

Chief Minister Pu Lalduhoman NABARD RIDF sum senga din tur Artui tharchhuahna hmunpui lungphum vawiin khan Thenzawl AH & Vety Farm ah a phum a, Dilpuia Bailey Bridge dawh tur lung phumin Mizo Sial vulh punna hmun a hawng bawk.

He hun hi Minister Pu C. Lalsawivunga leh Prof. Lalnilawma leh Pu V. Malsawmtluanga, MLA te an tel a ni.

Chief Minister chuan, Thenzawlah Arpui nuaih khat vel vulh theihna, nitin artui singsarih vel tal thar theihna dinna turin NABARD RIDF atangin cheng vbc 20 leh nuai 64 vel puk an remti tih sawiin ram mamawh hmalakna bul an tan tur chu a phurawm a, tha taka tihpuitlin ngei ni se a ti.

Mizo sial dik tak vulh punna hawn a ni chu lawmawm a tih thu a sawi a, sial hi a tlatna tur ram nei tha tan chuan ran vulh awlsam, hlawk bawk si a ni a

ti a, s vulh theite tan he hmuna a chi tha an tipung chu a hlu hle a ni a, Mizo sial breed ngei humhalh pawh a tha a. Pi leh pute atanga an rohlu an ni a, Mizo hnamah dinhmun pawimawh tak an luah a ni, a ti bawk.

AH & Vety Minister Pu C. Lalsawivunga chuan Mega Egg Farm chu ram tana ro tling, hmasawнна rahbi pawimawh tur a ni a, sawrkar term hmasa berah artuiah tal intodelh ve hman tur a ni tih rilru an pu tih a sawi a ni.

Mizo Sial vulh punna Centre hi Rashtriya Gokul Mission (RGM) 2023-2024 sum cheng nuai 430 lakh senga din a ni. Breed Development and Conservation Centre ah hian Zo Sial chi tha, performance tha zawk tharchhuah tum a ni a, semi-intensive a vulh tur a ni. Sial 100 thleng vulh theihna tura ruahman a ni.

Bailey Bridge hi Vety Farm chhunga dil, Dilpui an tih maiin a dil lailia thliarkar a siam kalpawhna tura dawh a ni a. Dil ral leh lama ran chaw chinna hmun kalpawhna a ni nghal bawk. Hna hi NABARD sum cheng nuai 83 senga sak tur niin lei hi pahnih dawh tum a ni.

<><><>

CONTRACTORS ASSN

Mizoram Contractors Association (MCA) chuan sorkar in contractors Registration tharthawh turte June ni 20 ral hma ngeia ti tura hriattirna siam chu an duhloh thu an sawi.

Mizoram Contractors Association (MCA) President Pu Francis Lalliana chuan Mizoram sawrkar contractors te enkawlна tur Manual siam tura hma lak anih mek laia Registration renew sawrkar in alo buaipui chiam chu ngai an tih loh thu a sawi a, tun hma in hetiang fee an chawi ngailoh thu a sawi bawk a, Mizoram sawrkawr in an harsatna chu sutkian sak tura an phut thu a sawi bawk.

<><><>

CM

Chief Minister Pu Lalduhoma’n tunlai khawvela eizawn theihna pung zel chu hman tangkai thiam a pawimawh a ti a, a thawkchhuaktu ni turin kutkawih eizawнна tlak thiamna neih a pawimawh thu a sawi.

Mizoram State Rural Livelihoods Mission (MzSRLM) hnuaia, Community Managed Training Centre (CMTC) hmasa ber Thenzawl-a a hawнна ah he thu hi a sawi a, Chief Minister chuan khawvel changkang zel ruala ke pen thiam a pawimawh tih sawiin eizawнна dap thiam a pawimawh a ti a, midang te nena pawl insiama thawhho thiam a pawimawh thu sawiin taima

taka thawh chuan Self Help Group chu dinchhuah pui tlak anih thu a sawi bawk.

Byte : Chief Minister

Chief Minister in a hawn tak Community Managed Training Centre hi Vantawng Self Help Group din niin Vantawng Cluster Level Federation in an enkawl dawn a ni.

Tun dinhmunah Mizoram State Rural Livelihoods Mission (MzSRLM) hnuaiah hian SHG member 11,257 an awm mek a ni.

<><><>

MOCK DRILL REVIEW MEETING

Chief Secretary Pu Khilli Ram Meena-an indona lo thleng thulha chhiatna nasa tak thleng thei laka inven dan tur emaw a tawrhnepe deuh dan tur emaw chu tun atanga ruahmanna felfai tak siama, inpuahchah that a ngai a ti.

Nimina Aizawla Civil Defence Mock Drill neih chungchang thlirletna wawiina CS Conference Room-a neihah he thu hi sawiin Chief Secy chuan ruahmanna an siam tur hrang hrang zingah State leh District Level-a Advisory Committee din a tul thu te, District tina Satellite Phone 2 tal theuh neih a tul thu te, Hot Line mamawhna te, thingtlang kilkhawr zawka awmtan information an dawn theih nan Akashvani hman tangkai thiam a tul thu a tarlang a. Indona a lo thlen thulha “Black out” pawimawhzia hi mipui ten an hriatchian hle a ngai a, a bik takin zirlai naupang te zingah Awareness campaign ngawrh taka kalpui a tul thu a tarlang bawk.

Meeting-ah hian nimina “Black out” kalpui chu mipui ten an zawm that tawh loh thu leh beisei a phak lo deuh thu tarlan a ni a, he hunah hian Mizorama District tina Deputy Commissioner leh Superintendent of Police ten Video Conferencing kaltlangin an chhim a, Chief Secretary chuan district tin DC te chu an district theuh va Civil Defence Mock Drill hi lo buatsaih ve turin a chah bawk.

<><><>

AIZAWL TWO WHEELER TAXI

Aizawl Two Wheeler Taxi Association chuan, Ram leilung fate chanvo hum him zelna turin, hnamdang Two Wheeler Taxi khalh an awm leh awmlah dapchhuah an tum tih an sawi.

Aizawl Two Wheeler Taxi Association General Assembly chuan thuchuah siamin ramdang mi taxi khalh an awm leh awmlah dapchhuah an tum thu an sawi a, hemi kawng ah hian sawkar thuneitute leh mipui te thawhpuina an ngen thu an sawi bawk.

ATTA President Pu Lalfakmawia sawi danin Two Wheeler Taxi neitu te chuan Two Wheeler Taxi khalhtu atan ram leilung fate ngei khalhtir thin turin mipuite a ngen thu a sawi a, lirthei tihral tum te chuan, ram leilung fate hnen

ah ngei tiral thin turin leh hnamdang hriatchian loh te hnen an lirthei te tiral lo tura a ngen thu a sawi.

Byte .. ATTA President

ATTA chuan hnamdang leh ramdang mi Voters ID leh Aadhaar Card neilo in two wheeler taxi khalh a an eizawnna an kal pui chu an duhloh thu sawiin India khua leh tui nihna nei zingah pawh hnamdang ILP nei te chu ILP in a phut ang nilo a Two Wheeler Taxi khalh an awm a nih chuan thuneitu hnen ah thlen zel an tum thu an sawi bawk.

<><><>

LADC CEM

Lai Autonomous District Council Chief Executive Member atan tukin khan MDC Pu N Zangura chu rinawmna thu tiamtira lakluh a ni.

CEM lakluhna inkhawm hi LADC a Executive Secretary Pu K.Lalthanzara’n kaihruaiin, CEM lakluhna ah hian United Democratic Alliance a tel MDC te bakah BJP hruaitute leh Official pawimawh zual te an tel a, CEM lakluh tur hi Lai Students' Association ten dan an tum ni a hriat a nih avangin LADC Office Complex, Council Veng leh New Vengpuiah te BNSS hnuaiah ni 2 chhung punkhawm khap a ni.

(VC)

CEM thar Pu N.Zangura chuan a kaihhruai Sorkar indin chhoh dan ah mi thenkhat ten felhlel leh fuhlo a awm nia ngaitu an awm tih sawiin, dan dinglai palzutna an neihloh thu leh duhthlanna an neih hmangin Sorkar an din thu a sawi a, mimal hamthatna leh duham vanga Sorkar din an nihloh thu leh a kaihhruai Sorkar chuan theihtawp chhuahin hmasawn turin hna a thawh tur thu a sawi.

Puan tawh angin, LADC-a sorkar mumal a din theih loh avangin boruak a tang chho reng a, BJP leh MNF thawhdunna, United Democratic Alliance CEM atan MDC Pu N Zangura Governor in a ruat hnua h Larsap chuan nimin khan thuchhuah siamin a thupek lo siam tawh LADC CEM atana Pu V. Zirsanga ruatna chu a thiat leh a, ZPM Legislature Party leader Pu V. Zirsanga kaihhruaiin kum 2025 – 2026 budget an passed tawh pawh a thiah sak a, Governor chuan CEM thar Pu N. Zangura’n thuneihna a lak hma chu hmalakna thar awm tawhlo turin thu a chhuah a ni.

Hetih lai hian Lai Student’s Association chuan vawiin khan thuchhuah siamin CEM lakluhna mipui hriatloha buatsaih chu Lawngtlai District mipuite zahlohna ani an ti a, hriatthiam harsa an ti tih sawiin a tul angin hma an la zel dawn tih an sawi bawk.

LADC ah hian tun dinhmun ah BJP MDC pahnih, MNF MDC 11 leh thlawptu Congress MDC pakhat nen BJP kaihhruai United Democratic Alliance ah hian Member 14 an awm a, ZPM in Member 11 a nei bawk a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

PARTY LEADERS MEETING

Vawiin khan Operation Sindoor neih zawh tak chungchangah Political Party tin aiawh inhmuhkhawm neih a ni a. Party hruaitute chuan firfiakte chhanletna kawngah sipaite huaisenna fakawm an tih thu sawiin sawrkar hmalakna te an thlawp thu an sawi. Parliament House-a inhmuhkhawm hi Defence Minister Rajnath Singh-a chuan kaihruiin Pakistan leh Pakistan luah J&K-a firfiakte awmna hmun pakua sipaiten an kahchhiat dan kimchang takin party hruaitute hi a hriattir a ni.

Union Parliamentary Affairs Minister Kiren Rijiju chuan vawiin inhmuhkhawm chu a hlawk hle tih sawiin party hruaituten puitling takin an ngaihdante an sawi a ti a. Tuna ramin chona a hmachhawn mek chu an hrethiam hle tih sawiin politics thila lak hun anih loh thu a sawi bawk a ni.

(Byte)

Congress President Mallikarjun Kharge chuan an inhmuhkhawmah hian an party chuan sawrkar an thlawp thu an sawi a ti a. Lok Sabha Opposition leader Rahul Gandhi pawhin sawrkar an thlawp tih a sawi bawk a ni.

Vawiin inhmuhkhawmah hian Union Home Minister Amit Shah, External Affairs Minister Dr S Jaishankar, BJP president J P Nadda, Samajwadi party hruaitu Ram Gopal Yadav, TMC hruaitu Sudip Bandyopadhyay, DMK hruaitu T R Baalu, LJP hruaitu leh Union Minister Chirag Paswan, TDP hruaitu Lavu Sri Krishna Devarayalu, JD(U) hruaitu Sanjay Jha, NCP hruaitu Praful Patel, NCP(SP) hruaitu Supriya Sule, Shiv Sena hruaitu Shrikant Shinde, Shiv Sena UBT hruaitu Sanjay Raut, CPI(M) hruaitu Jhon Brittas, RJD hruaitu Prem Chand Gupta te leh hruaitu dangte antel.

<><><>

PM

Prime Minister Narendra Modia kaihruiin vawiin Ministry leh Department tina Secretary ten high-level meeting an nei. Tunhnaia ramchhung boruak inlumlet chho mek leh ram himna ngaihtuahin sawrkar hotu pawimawhte inbuatsaihna leh ruahmanna te thlirho a ni a. Pu Modia chuan Ministry leh agency tinte chu thawhho that a pawimawh thu a sawi a. Mipui himna tura inpuahchahnate, thudik lo leh chanchinthar dik tawh lo thehdarh ven kawngahte leh ramchhunga hmun pawimawhte venhim dan turte sawiho a ni.

<><><>